



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Responsio cancellarij.

urn:nbn:de:hbz:466:1-10502

nibus tenebat, iurauerunt, & singuli de-
osculati sunt, & recedentes nomina sua
Cancellario dederunt.

Formula Breuis profess. fid.

EGo N. recipio, promitto, spondeo,
profiteor, detestor, anathematizo,
voueo, & iuro, vt in decretis, & formula
professionis fidei ex bulla modò lectis,
singula singulis referendo: sic me Deus
adiuuet, & hæc sancta Dei Euangelia.

Fidei professione publicè præstita
per eos qui tenebantur, indicta est de
suggestu continuatio sessionis pomeri-
dianæ.

Indictio continuationis sessionis.

Decernimus, & indicimus continua-
tionem huius sessionis fore hodie
hora 2^a.

In qua sessionis continuatione, vni-
uersi & singuli, qui huic Synodo XI. in-
teresse quouis modo debent, nominatim
vocabuntur, scrutinium Synodale fiet,
& sigillatim, & vniuersè, generatimque
ex præscripta tabella. Quamobrem om-
nes singulique, qui diuinis canonicarum
horarum officijs recitandis adstricti
sunt, breuiarium, ac huius anni calenda-
rium afferant, ad præscriptum Synodi
Diocesanæ quartæ. Parochi item affe-
rant hodie cathedraicum, quod soluét
æconomus nostro.

Postea Promotores accersito Cancel-
lario accusauerunt absentium contuma-
ciam, & institerunt apud Illustriss. Ar-
chiepiscopum, vt contra absentes, qui
se legitime non excusauerunt, procede-
retur vt infra.

Instantia Promotorum contra absentes,
& accusatio contumaciæ.

Illustriss. & Reuerendiss. Domine.

Cum iam dies decima mensis Maij
habierit, qua omnes & singuli Eccle-
siastici ordinis homines huius vrbs &
Diocesis legitime per publicum edictum
moniti, Synodo huic XI. iam præsentem
adesse debent; cumq; multi non parue-

rint, sed vsque adeo vel negligentes vel
contumaces fuerint, vt neque præsentem
adsum, nec verò iusti impedimenti ex-
cusationem, causamve, aut nuncium
miserint: ideo pro muneris nostri offi-
cio, Nos N. & N. huius XI. Synodi pro-
motores, eorum contumaciam accusa-
mus; hocque instamus apud Illustriss.
& Reuerendiss. Amplitudinem tuam vt
citationem valis Ecclesiæ huius Metro-
politaneæ assignendam committat; cum
ijsdem tanquam inobedientibus agi iu-
beat, prout iuris est, & sacrorum cano-
num ratio postulat.

Illustriss. & Reuerendiss. Archiepi-
scopus audita instantia & requisitione
Reuerendiss. Promotorum, respondit
his verbis.

Decretum contra absentes.

Admittimus, committimus, & de-
cernimus. Tum ad Cancellarium
conuersi Reuer. Promotores, pro rogatu
actorum in hac sessione institerunt.

Instantia Promotorum pro Rogatu.

NOS N. & N. huius XI. Synodi
Promotores, rogamus te Dominum
N. vt de omnibus & singulis in hac ses-
sione peractis, vnum vel plura conficias
instrumenta.

Responsio Cancellarij.

Conficiam præsentibus &c.

ET hæc omnia peracta fuerunt publi-
ca sess. vt supra, adhibitis etiã testi-
bus admodum RR. Dominis N. præpo-
sito, & N. Decano Ecclesiæ Metro-
politaneæ.

Contra contumaces absentes per edi-
ctum ad valuas actum est.

Absoluta hac matutina sessione, Illu-
striss. Dominus exiit Pontificalia para-
menta absque benedictione, cum sessio
à prandio continuanda foret, & cappam
induit, ac in ædes Archiepiscopales re-
uersus est.

Nè verò Clerus perturbato ordine
discederet, sed modestè, & Clericali gra-
uitate.

uitate; iussu Illustris Archiepiscopi editū est, vt ad Tabellæ Synodalis præscriptum, è sessionali loco abirent. Sessione ergo absoluta, ex suggestu euulgata est.

Ne quisquā è loco ante discedat, quàm Illustrissimus & Reuerendissimus Archiepiscopus è Synodo abierit: nec verò raprim, turbulenterve; sed grauitè, decoroq̃ue incessu.

Capitula verò, & clerici Ecclesiarum Collegiatarum, vt collegiatim conuenerunt, eodem ordine è Synodo discedant prælata Cruce: quo eodem modo redeant hora indicta.

Caveant denique omnes, quæcūque & Ecclesiasticæ disciplinæ, & Synodalis actionis dignitati, & loci venerationi minimè conueniant.

Continuatio primæ sessionis.

A Prandio stata hora indicta, & sono medix campanæ per spatium medix horæ significata, Illustrissimus Archiepiscopus cappa indutus, à Reueren. Capitulo & Clero vniuerso Metropolitanæ ad Basilicam Metropolit. deductus est: ac primùm vespèrarum & completorii officio perorato, cui interfuit totus Clerus, & præcipuè Canonici collegiatarum, Illustris Archiepiscopus pluviale, & mitram pretiosam, & Capitulum pretiosa paramenta induerunt, & in sessionalem locum descenderunt: ibique stata oratione Adsumus recitata, omnibus ordine confidentibus, ac silentio indictō, iussu Illustrissimi Archiepiscopi Cancellar. suggestum ascendit, & primò de Cleri vocatione, de scrutinio, de cathedratico, & de examinatoreibus, & Iudicibus, ordine, & modo infra scripto actum est.

Instantia promotorū de clero vocando.

Illustris. & Reuerendiss. Pater,
& Domine.

Sancitum est Conciliis generalibus, & præcipuè Concilio Tridentino, vt omnes Ecclesiastici viri, qui de iure, vel cōsuetudine Synodo diœcesanæ quæ quotannis celebratur, etiam exempti, interesse debent si negligentes fuerint,

Pars II I.

pœnas sacris canonibus sancitas incurrant: Quamobrem eos omnes ex suggestu publicè vocari; & successiuè scrutinium à patribus sapienter institutum haberi humiliter petimus; Ecclesiasticosq̃ue viros sanctæ disciplinæ eruditos eligi, qui scrutinio diligenter incumbant; & Parochos Cathedralicum iuræ diœcesanæ debitum persolvere instamus.

Lectaque fuerunt decreta vt infra.

Decretum de scrutinio.

Scrutinium Synodale, à patribus sapienter atque ex vtilitate Synodi institutum, iam aliquando intermissum, per nos adiutrice diuina gratia ad usum cōsuetudinemque reuocatum, hodie cum solenni vocatione Cleri in continuatione sessionis pomeridianæ rectè per eiusdè scrutinii præfectos agi decernimus, atque edicimus; ideo omnes & singulos, qui officii recitandi lege adstricti sunt, Breviarium nuper editum, cum Calendario afferre, & exhibere iubemus.

Decretum de præfectis scrutinii eligendis.

Scrutinii Synodalis præfectos deligimus venerabiles Sacerdotes, visitatores nostros in vrbe, pro ratione regionum portarumve N. P. orien. N. visitatorem primæ regionis N. secundæ regionis &c. Qui pro sua quisque timorata, religiosaq̃ue conscientia, postpositis omnibus humanis affectibus, in veritate, & sinceritate, & æquitate, iustitiaq̃ue, suo constituto loco scrutinium agant ad præscriptum Tabellæ de scrutinio Synodali, ad usum huius Synodi iussu nostro editæ, quam scrutinii præfectis distribui mandamus, vt & ipsi muneris sui partes intelligant, & Clerus vniuersus de quo scrutinium agi constituimus, non in respondendo solum, verum etiam in exequendo, se tales præstent, quales eos esse scrutinii diligentis ratio deposcit.

Decretum de Clero vocando.

Mox vocabuntur omnes & singuli, quicunq̃ue sint, qui huic Synodo

M

diœ-